



Republic of the Philippines  
Province of Laguna  
**MUNICIPALITY OF LOS BAÑOS**  
*Special Science and Nature City*  
**OFFICE OF THE SANGGUNIANG BAYAN**  
Municipal Hall, National Highway, Brgy. Timugan,  
Los Baños, Laguna 4030 Philippines  
Email: losbaños@laguna.net

**SINIPI SA KATITIKAN NG IKA-LABING WALONG (18TH) PANGKARANIWANG PULONG NG SANGGUNIANG BAYAN NOONG HUNYO 22, 2020 NA GINANAP SA SANGGUNIANG BAYAN SESSION HALL, NATIONAL HIGHWAY, BRGY. TIMUGAN, LOS BAÑOS, LAGUNA.**

Dumalo : Bise Alkalde Antonio L. Kalaw, Tagapangulo  
Konsehala Josephine S. Evangelista  
Konsehal Miko C. Pelegrina  
Konsehal Janos S. Lapiz  
Konsehal Geronimo A. Ciceron  
Konsehal Marlo PJ A. Alipon  
Konsehal Mike Dexter A. Concio  
Konsehal Mark Lester B. Dizon  
Konsehal Cris Dayril B. Bagnes  
Konsehala Arlene P. delos Santos, Liga President  
Konsehala Jozylyn N. Manansala, SK Federation President  
Kalihim Dona T. Alborida  
Gng. Felomina I. Lincallo, LLSO I

Di-Nakadalo : Wala.

Panauhin : Wala.

**KAPASIYAHAN BLG. 2020 - 110A**

**KAPASIYAHANG KINIKILALA AT PINASASALAMATAN NG PAMAHALAANG BAYAN NG LOS BAÑOS SI GINOONG MARVIN H. DE GUIA NG BARANGY BAYOG, LOS BANOS, LAGUNA DAHIL SA KANYANG KABUTIHANG LOOB NA MAISAAYOS ANG USAPING NG PABAHAY SA BARANGAY MAAHAS, LOS BANOS, LAGUNA.**

May Akda : Konsehal Geronimo A. Ciceron

**SAPAGKAT**, si G. Marvin H. De Guia ay isang pribado at simpleng mamamayan ng Los Baños, isang masipag na mag-aaral na nagnanais maging abogado balang araw, isang anak ng Diyos at isang tunay na misyonaryo na handang mag-alay ng oras at talino upang matulungan ang mga tao lalo na ang mga kapuspalad at mga naaapi;

**SAPAGKAT**, nakarating sa kaalaman ni G. De Guia ang suliranin ng ilang naninirahan sa Barangay Maahas hinggil sa lupang ipinundar at binayaran mula sa perang pinaghirapan at pinuhunanan ng dugo at pawis, na may ilan sa mga ito ay patuloy pa rin nagbabayad subalit ang kabuuan pala ng proyektong pribadong pabahay ng Jaman Sunrise Homeowners Association, Inc. ay nabahiran ng panloloko ng tagapagtaguyod nito na isang tahasang paglabag sa mga umiiral na batas at pagyurak sa karapatan ng mga tao;



**SAPAGKAT**, ang puso ni G. De Guia ay puno ng pagmamalasakit at hangaring makatulong ng walang hinihintay na kapalit manapay tustusan ng kanyang sariling salapi ang sari-saring gastusin kaakibat ng pagbibigay linaw sa problemang kinahaharap ng mga tao;

**SAPAGKAT**, ang usaping pabahay na ito ay naiparating na rin sa Pamahalaang Bayan, kung saan sa paghaharap ng ilang kasapi ng Sangguniang Bayan at pinuno ng iba't ibang tanggapan ng Pamahalaang Bayan ay ipinaabot ni G. De Guia ang kanyang kusang loob na tulong pinansiyal upang maayos ang bilihan ng lupa mula sa tunay na may-ari pati na rin ang pagbili ang right-of-way na gagamitin para sa pagsasaayos ng plano ng pabahay;

**SAPAGKAT**, ang boluntaryong pagtulong na ito ay kaparehas ng ipinaabot na ayuda at pagsasaayos ni G. De Guia noong taong 2015 hanggang sa kasalukuyan sa kahalintulad na usapin sa Los Baños Highland Ville sa Barangay Bayog kung saan nagkaroon ng mga titulo ng lupa ang mga naging biktima. Dumating din sa punto ng kasuhan ng paglabag sa PD 957 o Subdivision Law ng nagtapos sa hatol na guilty beyond reasonable doubt noong 2018 ang ilang pangunahing personalidad dito;


**SAPAGKAT**, ang ginawang tulong ni G. De Guia ay di-pangkaraniwan dahil magdudulot ito ng saya, panatag na isip, tunay na pagmamay-ari ng lupa sa mga tao na sa palagay ng butihing Sangguniang Bayan ng Los Banos ay kapuri-puri para sa kapakinabangan ng madla at pangkalahatang kagalingan ng mamamayan;

**KUNG KAYA'T DAHIL DITO**, sa mungkahi ni Konsehal Geronimo Ciceron, pinangalawan ni Konsehal Marlo PJ A. Alipon at Konsehala Josephine S. Evangelista at buong pagkakaisang sinang-ayunan ng lahat ng konsehal na dumalo;


**IPINASIYA, GAYA NG MAGALANG NA PAGPAPASIYA** ang pagkilala at pagpapasalamat ng Pamahalaang Bayan ng Los Baños kay Ginoong Marvin H. De Guia ng Barangay Bayog, Los Baños, Laguna dahil sa kaniyang kabutihang loob na maisaayos ang usaping pabahay sa Barangay Maahas, Los Baños, Laguna.

**BUONG PAGKAKAISANG PINAGTIBAY** : Hunyo 22, 2020

**PINATUTUNAYAN KO** ang kawastuhan ng Kapasiyahang ito.

  
**DONA T. ALBORIDA**  
Kalihim ng Sangguniang Bayan

**PINATOTOHANAN:**

  
**KGG. ANTONIO L. KALAW**  
Bise Alkalde / Tagapangulo